

植物名實圖考

小野職懋重修
穀類

重修植物名實圖考卷之二

清國 吳其濬原撰

日本

伊藤圭介 校閱

小野職懃 重修

岡松甕谷 句讀

穀類

稗子ヒエ

稗子カモマタキビ

山菉豆

川穀シエツダマ

回回豆

燕麥

玉蜀黍タウモロコシ

光頭稗子イヌヒエ

山黑豆

苦馬豆フクロマメ

山扁豆

野黍ヌメノキビ

胡豆

豇豆サ、ゲ

豌豆 エンドウ

龍爪豆 又一種

烏嘴豆

黑藥豆

黃麻 イチビ

山西胡麻 ヤマシロアサ

刀豆 ナタマメ

雲藕豆

野豆花

蝙蝠豆 フクロアサ

山黃豆

子稗



稗子

救荒本草、水稗、生水田邊、旱稗、生田野中、苗葉似稗子、葉色深綠、腳葉頗帶紫色、梢頭出匾穗、結子如黍、粒大、茶褐色、味微苦、性微溫、採子搗米、煮粥食、蒸食尤佳、或磨作麪食、皆可、

雩婁農曰、稗能亂苗、亦有二種、有圓穗如黍者、有扁而數穗同生者、與米同春、則雜而帶殼、別而杵之、則粒白而細、煎粥滑美、北地多種之於塍、非稂莠比也、爾雅、稗、莠、注謂似稗、布地生穢草、又古詩云、蒲稗相因依、則稗爲陸生、稗爲澤生歟、農政全書、諄諄以種稗爲勸、備豫不虞、仁人之用心哉、

〔長編〕救荒本草、稗子有二種、水稗生水田邊、旱稗生田野中、今皆處處有之、苗葉似稗子、葉色深綠、腳葉頗帶紫色、梢頭出匾穗、結子如黍、粒大、茶褐色、味微苦、性微溫、採子搗米、煮粥食、蒸食尤佳、或磨作麪食皆可、

本草綱目、李時珍曰、稗處處野生、最能亂苗、其莖葉穗粒、並如黍稷、一斗可得

米三升、故曰五穀不熟、不如稊稗。稊苗似稗、而穗如粟、有紫毛、即烏禾也。爾雅謂之選稗、米氣味辛、甘苦、微寒、無毒、主治、作飯食、益氣、宜脾、故曹植有芳菰精稗之稱。苗根主治金瘡、及傷損血出不已、搗傳、或研末摻之、卽止、甚驗。

齊民要術曰、稗旣堪水旱、種無不熟之時、又特滋茂盛、易生蕪穢、良田畝得二十斛、宜種之。備凶年、稗中有米、熟搗取米、炊食之、不減粱米、又可釀作酒、酒甚美釀、尤踰黍秫。魏武使典農種之、頃收二千斛、斛得米三四斗、大儉可磨食之、若值豐年、可以飯牛馬猪羊。

爾雅翼、孟子曰、五穀者、種之美者也、苟爲不熟、不如稊稗。稊與稗、二物也、皆有米而細小、故莊子曰、道在稊稗、言比於穀、則微細而不精、道亦在焉。又曰、若稊米之在太倉、亦言小也。爾雅、稊、英、釋曰、稊一名英、似稗之穢草、布生於地、而稗則生下澤中、故古詩曰、蒲稗相因依。

農政全書、稗多收、能水旱、可救儉。孟子言、五穀不熟、不如萑稗。淮南所謂小利

者皆以此、且稗稈一畝、可當稻稈二畝、其價亦當一石、宜擇嘉種、于下田藝之、歲歲無絕、倘遇災年、便得廣植、勝於流移招拾、不其遠矣、又曰、北土最下地、極苦澇、土人多種葛秫、數歲而一收、因之困敝、余教之多蒔麥、當不懼澇、澇必於伏秋間、弗及麥也、澇後能疏水、及秋而涸、則蒔秋麥、不能疏水、及冬而涸、則蒔春麥、近河近海、可引潮者、即旱後又引秋潮灌之、令沙淤地澤、亦隨時蒔春秋麥、此法可令十歲九稔、若收麥後、隨意種雜糧、則聽命於水旱、可也、凡春麥、皆宜雜旱稗耩之、刈麥後、長稗即歲再熟矣、稗既能水旱、又下地不遇異常客水、必收、亦十歲可致七八稔也、又曰、下田種稗、遇水澇不滅頂、不壞、滅頂不踰時、不壞、春種者、先秋而熟、可不及於澇、或夏澇、及秋而水退、或夏旱、秋初得雨、速種之、秋末亦收、故宜歲歲留種待焉、

爾雅正義、蒔一名葵、孟子云、五穀種之美者也、苟爲不熟、不如萑稗、萑即蒔也、莊子知北遊云、道在蒔稗、李頤以爲二草名、蒔有米而細、故別於稗、秋水篇云、

似稊米之在太倉司馬彪云稊米小米也註稊似至穢草正義衆經音義引爾雅註云萑似稊布地穢草也今之稊子是也案稊似稊耳非即稊也左氏定十年傳云用秣稊也杜註草之似穀者也說文云秣不成粟也稊禾別也稊與稊俱堪水旱種無不熟北方農家種之以備凶年思州府志稊有紅綠二種雞爪鵝掌等名亦曰糝子米實紅居人團餅以食或研麪和飯思屬下五里等地多種之

說文解字注稊稊莢也見釋艸郭云稊似稊布地生邵氏晉涵云孟子之萑稊莊子之稊稊皆是也从艸梯聲按今本篆作稊梯聲从禾考禾部無稊字則稊聲乃梯聲之誤稊乃稊之誤大兮切十五部莢稊莢也郭於稊字逗以莢釋稊許合稊莢二字爲艸名凡爾雅固有舉其名而無訓釋者不當強爲句絕也从艸失聲徒結切十二部

又稊禾別也謂禾類而別於禾也孟子曰苟爲不熟不如萑稊左傳云用秣稊

也。杜云：稗草之似穀者，稗有米似禾，可食，故亦種之。如淳曰：細米爲稗，故小說謂之稗官。小販謂之稗販，从禾卑聲。旁卦切。十六部。琅邪有稗縣。地理志：琅邪郡稗縣。郡國志無。後漢省也。稗當是本作檉，莽曰：讖命，蓋惡其名而改之。今山東沂州府莒州，州南有稗縣故城，或曰：本春秋時向國。隱公二年，莒人入向，是也。

光頭稗子




光頭稗子

光頭稗子

光頭稗子、莖葉俱同菱荻、生陸地、穗出葉中、扁淨無毛、故名、爲炊香美、水稗、形如禾、生於水田、蓋卽淮南子所謂、離先稻熟、而陸生穢地者、爲稗、其卽此歟、

光頭稗子

參子



稭子


救荒本草、稭子生水田中、及濕地內、苗葉似稻、但差短、梢頭結穗、彷彿稭子穗、其子如黍、粒大、茶褐色、味甘、採子搗米、煮粥、或磨作麪蒸食、亦可、黔山多種鷹爪稭、亦呼稭子、雲南曰鴨掌稭、

雩婁農曰、稭子稭類、於書尠見、其穗駢出、參差如大小指、或以摻摻得名耶、廣羣芳譜、一名龍爪粟、一名鴨爪稭、北地荒坡處、種之、苗葉似穀、至頂抽莖、有三稜、開細花、簇簇結穗、分數歧、如鷹爪之狀、形容極肖、日照縣志、稭子、粟之賤者、有黑白二種、宜濕地、石得米二斗餘、民賴以餬口、而三峽志謂、自滇中來、曰雲南稭、一曰雁爪稭、亦播種畦植、與穀爭價、東南所無、蓋峽中石田、艱於嘉種耳、余過章貢間、河隄極饒、時黃雲遍野、攬撫弗及、安得謂東南無此、黔山陝瘠、無異峽中、溪頭峯角、種植殆徧、秋日穗稔、赭綠壓蹊、駢者如掌、鉤者如拳、既省工力、亦獲籌車、民恃爲命、敢云農惡哉、救荒圖、與此稍異、或一類、亦有二種、

〔長編〕救荒本草、蓂子生水田中、及濕地內、苗葉似稻、但差短、梢頭結穗、彷彿稗子穗、其子如黍、粒大、茶褐色、味甘、採子搗米、煮粥、或磨作麪蒸食、亦可、

本草綱目、李時珍曰、蓂子、山東河南、亦五月種之、苗如菱黍、八九月抽莖、有三稜、如水中蓂草之莖、開細花、簇簇結穗、如粟穗而分數歧、如鷹爪之狀、內有細子、如黍粒而細、赤色、其稃甚薄、其味粗澀、氣味甘澹、無毒、主治補中、益氣、厚腸胃、濟飢、

山黑豆



山黑豆

以下三十五

六頁

救荒本草、山黑豆、生密縣山野中、苗似家黑豆、每三葉、攢生一處、居中大葉、如菜豆葉、傍兩葉、似黑豆葉、微圓、開小粉紅花、結角、比家黑豆、角極瘦小、其豆亦極細小、味微苦、苗葉嫩時、採取、燂熟、水淘去苦味、油鹽調食、結角時、採角煮食、或打取豆食、皆可、雲南山中亦有之、花實較肥大、人弗採摘、

雩隻農曰、吾嘗渡河而北、大風、沙擊車帷、有聲如雹、及抵驛、一塵盡喧、皆曰天雨豆、亟取視、正如黑豆、小而堅、不類田隴間所藝、豈崇巖邃谷、穠穀自生、陳陳堆聚、久而從風飄颺者耶、然絕無斷莖敗莢相雜、如出諸倉筭者、抑猿鼠所窖、大風有隧、因而發其覆耶、羅泌路史、博載史傳、雨金、雨粟、雨毛、雨血、雨魚、諸異、然未得於目覩、而志五行者、或附會以爲休咎、是邑也、時有小旱、不爲災、亦無他異、蓋風雨奇怪、非常理可測、至池魚飛越、或有龍雷震攝、吾偶過野塘、一卒擊鑼、聲未絕、游魚撥刺、飛水上數尺、有自擲於岸者、靜極驟動、不可卒制、理固